

drs. Shailiny Tromp-Lee contento cu proyecto di Alto Vista



ORANJESTAD (AAN): Segun drs. Shailiny Tromp-Lee, pa hopi tempo su deseo ta pa drecha y mantene Alto Vista y e area rond di dje. Alavez e ta haya necesario pa bin cu un maneho nacional pa por garantiza cu e ta keda un lugar di tranquilidad, paz y unda cu localnan ta bay pa reza y busca paz interno. Na mes momento e ta realisa cu e ta un lugar hopi bishita pa turistanan, cu ta haci necesario pa crea e balansa y percura pa e re-


spet pa Kapel di Alto Vista.

Pa e motibo aki mes el a acerca Minister Dangui Oduber dia 22 di juni 2018 pa presente mi idea encuan-to nos Kapel di Alto Vista. Minister a hay'e un tremen-do idea y a keda di bay wak si tin fondonan disponibel pa cuminsa concretis'e.

Dia 29 di oktober 2018 mi a reuni cu Minister caminda el a indica cu lo por cuminsa realisa e idea parcialmente y cu lo por cuminsa drecha e borchinan di oracion cu ta poni na e stashinan.

Dia 2 di november 2018 mi a percura pa manda e potretnan necesario di e situacion, esta cuanto borchin y nan localidad.

Mirando cu Alto Vista ta cay bao Parokia di Noord y cu a keda indica door di Minister cu tin e fondo-nan necesario pa pone pi-



lar y borchinan di oracion nobo, hunto cu mi querida Mama, mi a reuni dia 5 di november 2018 cu Pastor Santiago y sr. Jose Figaroa cu ta esun encarga cu Kapel di Alto Vista. E reunion tabata pa presenta mi idea na nan y pa haya e aproba-cion necesario. Un reunion hopi interesante y caminda a trata mas reto cu tin pa cu mantencion di Kapel di Alto Vista.

Mirando cu Pastor a aproba e idea, mesora a cuminsa concretisa e idea conhuntamente cu Ministerio di Salubridad Publico y Turismo, percurando pa cumpli cu e palabracion-nan haci durante reunion di dia 5 di november. Dia 23 di november 2018 a tuma lugar un reunion entre coordinadornan Wolff y Rijdsdijk di Minister, Srs. Jose Figaroa y Robert Jean-dor y mi persona, pa por a concretisa e diseño, mate-rial etc. Manera aña habri e trabaonan ta bay cuminsa pa realisa e parti di pilar y borchinan. Siguiente parti



ta pa percura pa cuminsa entama e proceso pa bin cu un maneho nacional pa cu nos Kapel di Alto Vista.

ATA recientemente a re-alisa un 'carrying capacity study' caminda Alto Vista tambe a haya atencion. Pa e motibo aki mi a acerca Directora di ATA encuan-to Kapel di Alto Vista y ca-minda mi a accentua e echo cu mester cuminsa traha ariba un maneho nacional pa loke ta trata nos Kapel di Alto Vista. Dia 4 di decem-ber 2018 e directora di ATA a comparti cu mi algun idea

cu nan a traha como reac-cion ariba e resultado di e 'carrying capacity study' cu nan a realisa.

Durante 2019 mi lo sigui traha ariba demas puntonan di atencion. Uno di hopi urgencia ta e molester di stof. Pa e punto aki mi ta bay acerca Minister di Infra-estructura na cuminsamento di e aña aki. Mi ta conten-to cu poco poco mi ta logra cristalisa e deseo di nos tur pa percura pa nos Kapel di Alto Vista keda cuida y maneha debidamente. Mas cu tur cos mi kier enfatisa e necesidad pa garantiza cu Kapel ta keda un lugar ca-minda nos por bay reza den tur tranquilidad na Mama Maria y Niño Hesus y bus-ca paz interno.

Mi ta gradici Minister Dangui Oduber y su Minis-terio, Pastor Santiago, Srs. Figaroa y Jeandor pa e sos-ten y entusiasmo demostra.